

primæ Cappadocum provinciæ Episcopus Concil. Constantinopolitano generali 6. subscripsit, & ante eum, nullum hujus urbis Antistitem in Conciliis reperi.

THEODOSIOPOLIS Armeniæ Notitiæ antiquæ sub Cæsarea in Cappadocia. *Olympius* Theodosiopolis magnæ Armeniæ Concilio Chalcedonenſi interfuit.

CAPPADOCIA SECUNDA.

1 THYANA Ptol. lib. 5. cap. 6. adhuc *Tyana* vulgò dicitur. Ex ejus Episcopis *Eupſychius* subscripsit Concilio Nicæno, & *Patricius* Tyanorum Metropolis Epist. Synod. hujus Provinciæ ad Leonem Imperatorem, necnon *Euphratas* Tyanensium Metropolita Collationi 8. Synodi Constantinopolitanæ generalis quintæ.

DOARA Basilio Mag. Epist. 10. vicus *Περεδόρα* Hierocli. Georgium ejus Episcopum commemorat S. Basilius dicta Epist. Erat primum Cappadociæ 2. infra pag. seq. in tertia ponitur. *LUCAS HOLSTENIUS.*

CYBISTRA Strab. lib. 12. vulgò *Armenacha*. *Timotheus* hujus Episcopus subscripsit Concilio Nicæno primo, & *Cyrus* Cibistulæ, pro Cybistræ, Epist. Synodali hujus provinciæ ad Leonem.

FAUSTINOPOLIS Anton. in Itiner. *Daniel* Faustopolitanus Episcopus subscripsit Concilio Ephesino.

SASIMI Anton. in Itiner. in Ciliciæ confinibus, vulgò *Sasum* teste Leunclavio. *Gregorius* Sasimorum, & postea Nazianzi Episcopus fuit ex Socrate lib. 7. hist. Eccles. cap. 35.

JUSTINOPOLIS libro Conciliorum, urbs Cappadociæ secundæ. *Patrophilus* Justinopolis Episcopus Synodali Epistolæ hujus provinciæ ad Leonem Imperatorem subscripsit, & 2 *Petrus* Justinopolitanus Concilio Constantinopolitano sub Agapeto & Menna.

3 ASUNA secundæ Cappadociæ urbs, eidem Epistolæ Synodali ad Leonem, cui *Ambrosius* ejus Episcopus subscripsit.

CAPPADOCIA TERTIA.

4 MOCISSUS Constant. Porphyrog. them. 2. dicto Armeniarum, Metropolis tertiæ Cappadociæ ab Imperatore Justiniano facta, & ab ejus nomine Justinianopolis dicta. *Theodosius* Metropolis Justinianopolitanorum Episcopus Concilio generali 5. subscripsit, & *Theopemptus* Mocissi, seu Justinianopoleos Episcopus in secunda Cappadocia, Constantinopolitano generali sexto.

5 NAZIANZUM Porphyrog. ibidem. *Gregorii* hujus Episcopi meminit Socras.

NOTÆ LUCÆ HOLSTENII.

1 *Thyana &c.* Theodorus, ad quem aliquot literæ Gregorii Nazianzeni extant epist. 81. & sequentes aliquot, Metropolitam agnoscit Ep. 87. nam Pascha nunciaverat; & clarius Epist. 88. qua Nazianzenæ Ecclesiæ provideri petit Greg. Ep. 35. [*Eupſychius subsc. Conc. Nic.*] Anthimus apud S. Basilium Mag. Epist. 64. [*Patricius Tyanorum Metropolis*] Concilio Chalced. Act. 6. & [*Epist. Syn. &c.*] Euthierius apud Theodoretum Epist. 112. vixit tempore Concil. Ephesini. Anthimus primus fuit novæ Metropolis quasi Archiepiscopus, de cujus æmulatione contra S. Basilium Mag. vide Epist. 33. Gregorii Nazianzeni, & Basilii Magni Epist. 58.

2 *Petrus Justinop. Concil. Constant. sub Agapeto & Menna.* quo loco ἡ τῶν Ἱερωνικιτῶν μητρόπολις τῆς β. Καππαδοκίης Επαρχίας vocatur.

3 *Asuna* Nulla hoc nomine civitas unquam fuit. In Græco fuit *Ἐπίσκοπος Σασίμων*, inde olim Episcopus Sasimæ; unde rejecta prima litera *Asuna*,

& tandem confusis literarum cruribus *Asuna*, ita error errorem trahit: ideoque subscriptiones illæ sunt vitiosissimæ.

4 *Mocissus* Procop. lib. 5. ædificiorum pag. 48. [*Justinianopolis dicta.*] Petrus ejus Metropol. &, ni fallor, primus legitur in Conc. Constant. sub Agapeto & Menna Act. 2. de qua supra notavi pag. 207.

5 *Nazianzum* Nazianzus [*Porphyrog. ibid.*] Gregorius pater S. Gregorii Nazianzeni & decessor. Ipse autem Gregorius patris potius coadjutor, quam Episcopus Eulalium sibi substituit, uti in vita S. Gregorii. [*Theodosius Ep. Syn. ad Leonem subscripsit.*] & ante Chalcedonenſi Act. 6. S. Gregor. Nazianzum antea ad 2. Cappadociam pertinuisse, ab Olympio autem Præfecto primæ attributam fuisse. Inde ad pristinum rediisse statum: nam secundæ attribuit eam Hierocles postea tertiæ annumeratæ.